



**SIARAN MEDIA
KEMENTERIAN KEWANGAN**

**RAKYAT MANFAAT LEBIH RM1 BILION MELALUI SARA UNTUK SEMUA
DALAM TIGA MINGGU**

Dalam tempoh tiga minggu sejak program *Sumbangan Asas Rahmah (SARA) untuk Semua* diumumkan oleh YAB Dato' Seri Anwar Ibrahim, lebih 12.5 juta rakyat Malaysia telah memanfaatkan lebih RM1 bilion untuk pembelian barangan keperluan asas.

"*SARA untuk Semua* adalah hasil penjimatan yang dicapai melalui penstrukturan semula kewangan negara. Ketirisan ditutup, tatakelola diperkemas dan hasil yang diijamatkan dipulangkan kepada rakyat. Ini membuktikan bahawa apabila hasil negara diagih secara saksama, manfaatnya dirasakan oleh isi rumah di seluruh negara," kata YAB Dato' Seri Anwar Ibrahim, Perdana Menteri dan Menteri Kewangan.

Jualan pada hari pertama pelaksanaan *SARA untuk Semua* pada tahun ini mencecah RM97 juta, hampir dua kali ganda berbanding nilai jualan RM50.7 juta yang direkodkan pada hari pertama tahun lalu.

Menurut Menteri Kewangan II, YB Senator Datuk Seri Amir Hamzah Azizan, Kementerian Kewangan telah memastikan kelancaran sistem bagi mengelakkan sebarang gangguan kepada pengalaman pembelian rakyat.

"Daripada 3,782 transaksi seminit pada hari pertama pelaksanaan tahun lepas, sistem kini mampu memproses lebih daripada 11,000 transaksi seminit tanpa sebarang kelewatan atau gangguan," kata beliau.

Penggunaan MyKad sebagai medium pelaksanaan program tersebut memudahkan rakyat memanfaatkan bantuan bersasar, di samping memastikan penyaluran yang cekap dan terurus.

Ini jelas terbukti dengan penggunaan kredit RM100 di bawah *SARA Untuk Semua* yang telah mencecah 56% pengguna. Dimaklumkan juga baki kredit masih sah digunakan sehingga 31 Disember 2026.

Dari segi taburan geografi, kadar penggunaan *SARA Untuk Semua* setakat ini menunjukkan kadar lebih tinggi di Zon Borneo serta kawasan Pantai Timur dan Utara Semenanjung Malaysia. Negeri dan Wilayah Persekutuan yang mencatatkan kadar

penebusan antara yang tertinggi termasuk Sabah (70%), Perlis (65%), Kelantan (64%), Labuan (64%), Terengganu (63%), Kedah (63%), Sarawak (62%), dan Pahang (60%).

Selain membantu mengurangkan tekanan kos sara hidup, program SARA turut menyokong aktiviti ekonomi setempat, khususnya di peringkat komuniti. Bilangan Rakan Niaga SARA kini merangkumi lebih 4,400 kedai runcit kecil di seluruh negara, selain rangkaian pasar raya sedia ada, menjadikan jumlah keseluruhan premis yang menerima transaksi SARA melebihi 11,300.

Kerajaan menyasarkan untuk meningkatkan bilangan kedai runcit kecil kepada 10,000 menjelang penghujung tahun 2026, sekali gus meningkatkan jumlah keseluruhan Rakan Niaga SARA kepada 20,000. Peningkatan ini dijangka mengurangkan jarak purata ke premis penerimaan SARA kepada sekitar 7 kilometer berbanding 10 kilometer ketika ini, sekali gus memudahkan akses rakyat.

Kementerian Kewangan

Putrajaya

4 Mac 2026

Lampiran

1. Statistik penggunaan SARA untuk Semua mengikut negeri (9 Februari 2026-3 Mac 2026)

Negeri/ Wilayah Persekutuan	Bilangan penebus	Jumlah penerima	Peratus penerima yang telah menebus kredit Penghargaan SARA	Jumlah ditebus	Peratus peruntukan ditebus
Sabah	1,260,900	1,802,326	70%	RM107,887,800	60%
Perlis	130,345	200,068	65%	RM10,569,843	53%
Kelantan	934,857	1,452,780	64%	RM78,510,047	54%
Labuan	30,047	47,273	64%	RM2,508,858	53%
Terengganu	607,304	964,703	63%	RM50,486,633	52%
Kedah	1,045,788	1,664,097	63%	RM84,810,863	51%
Sarawak	1,275,139	2,060,582	62%	RM107,894,570	52%
Pahang	690,238	1,153,292	60%	RM55,795,618	48%
Perak	1,119,308	2,000,287	56%	RM88,546,270	44%
Negeri Sembilan	485,739	876,482	55%	RM38,146,723	44%
Melaka	378,839	685,344	55%	RM29,961,384	44%
Johor	1,369,241	2,780,387	49%	RM107,233,394	39%
Selangor	1,932,905	4,025,914	48%	RM146,729,897	36%
Pulau Pinang	598,611	1,259,738	48%	RM45,695,002	36%
Putrajaya	24,960	55,661	45%	RM1,909,128	34%
Kuala Lumpur	616,766	1,402,838	44%	RM45,598,745	33%
Jumlah	12,500,987	22,431,772	56%	RM1,002,284,774	45%